

Script of Evening Gojri News Bulletin 05 September 2024 at 1700 Hrs

ایوننگ گو جری نیوز بلیٹن مورخہ 05 ستمبر 2024

یوہ آکا شوانی جموں بے محمد سفیر تے غلام سرورتیں خبر سُنو۔ پہلاں خاص خاص خبر۔

*1۔ وزیر اعظم نریندرمودی نے عملی طور ور دہلی ماتہ منعقد ہون آلا پہلا بین القوامی شمسی تہوار سنگ خطاب کیو۔

*2۔ بھارت تے سنگا پور نے 4 باہمی مفاہمت ناماں ور دستخط کیا ہیں۔

*3۔ حکومت غی فلیگ شپ اسکیم سوچہ بھارت مشن نے مُلک ماتہ نوزاند تے بچاں غی اموات نانہ کہٹ کرن ماتہ مدد کی ہے۔

*4۔ بھارتی چناؤ کمیشن نے جموں کشمیر ماتہ اسمبلی انتخابات با رے تیجا تے آخری مرحلہ واسطے نو ٹیفکیشن جاری کی ہے۔

خبراں غی تفصیل نال پہلاں محمد سفیر۔

PM Solar Energy

وزیر اعظم نریندرمودی نے نوی دہلی ماتہ منعقدہ دور روزہ اپنی نو عیت غا پہلا بین القوامی شمسی تہوار گا موقعہ ور ویڈیو کا نفرنس غے ذریعے بولتاں واں کہیو جے بھارت نے گذشتہ 10 سالان ماتہ شمسی توانائی ماتہ 32 گنا ترقی کی ہے اور پاه رفتار 2 ہزار 30 تک 500 گیگا واٹ غیر فوسل توانائی حاصل کرن ماتہ مدد گا ر ثابت وے گی۔ انہاں نے کہیو جے بھارت گذشتہ سالان ماتہ سبز توانائی با رے بہتر کم کر رہیو ہے اور گروپ 20 مُلکاں وچوں پہلو مُلک ہے جس نے قابل تجدید توانائی با رے پیرس ہدف تہہ کیو ہے۔ بین القوامی شمسی اتحاد سال 2015 ماتہ قائم ہو و تہو۔ با رے بولتاں انہاں نے کہیو جے اس اتحاد غی پالیسیاں تیں متاثر ہو غے 100 ممالک نے رکنیت حاصل کر لی ہے اور 19 ہور ممالک مکمل رکنیت واسطے تیاری کر رہی ہیں۔ انہاں غو کہنو تہو جے ”اک زمین، اک سورج“ نعرہ غے تئیں اس تنظیم گو مضبوط ہونو کا فی اہم ہے۔ سورج غی اہمیت با رے بولتاں واں کہیو جے اس غو ذکر ویداں ماتہ کئی جگہ موجو دہے۔ اور اج وی لکھاں بھارتی روزانہ اس غو ورد کریں۔ اس موقعہ ور خیالات گو اظہار کرتاں واں نویں تے قابل تجدید توانائی غا مرکزی وزیر پرلہاد جوشی نے شمسی توانائی آکی بکھی جان آلا مستقبل واسطے رل مل غے کم کرن ور زور دتو۔ انہاں نے کہیو جے بھارت صدیاں تیں شمسی توانائی غو استعمال کر رہیو ہے اور نوی تکنیک غے ذریعے اس نانہ مزید فروغ لہو ہے۔ واجہ رہ جے بین القوامی شمسی اتحاد اک بین القوامی تنظیم ہے۔ چھیڑی دُنیا پھر ماتہ توانائی تک پُج نانہ بہتر بنان واسطے تے کا ربن گا اخراج نانہ ختم کرن واسطے کم کر رہی ہے۔

India Singapore

بھارت تے سنگاپور نے 4 باہمی مفاہمت ناماں ور دستخط کیا ہیں۔ جن ماتہ صحت تے دوا، تعلیم تے ہنر مندی غی ترقی، ڈجیٹل ٹیکنالوجی تے بھارت سنگا پور سیمی کنڈیکٹر ایکو سسٹم شراکت دار شعبہ شامل ہیں۔ دوباں مُلکاں نے اپنا تعلقات غو اک جامع شراکت داری تک بدھاں ور اتفاق کیو۔ جس غی وجہ سنگ بھارت غی ایکٹ ایسٹ پالیسی نانہ بڑو

فروغ لیے گو۔ وزیر اعظم نریندر مودی نے ان کا سنگا پور ر غا بم منصب لا رنس وونگ غے بشکار اچ وفد غی سطح ور گل بات غے بعد یوہ فیصلو لیو گیو۔ اس دوران دوہاں رہنماواں نے دو طرفہ تعلقات مانہ پیش رفت گو جائزو وی لیو تے دوہاں ملکاں غے بشکار تجارت تے سرمایہ کاری نانہ مزید تیز کرن ور زور دتو۔ وزیر اعظم نے اس گل ور وی لو کہلی کہ سنگا پور بھارت غی معیشت مانہ لگ بھگ 160 ارب امریکی ڈالر غی سرمایہ کاری سنگ بھارت واسطے اہم شراکت دار ہے۔ انہاں نے مزید کہیو کہ بھارت مانہ تیز رفتار اور پائیدار ترقی نے سنگا پور گا اداراں واسطے سرمایہ کاری گا ہے پناہ موقعہ کھولیا ہیں۔ اس سلسلہ مانہ دوہاں رہنماواں نے اقتصادی تے عوام غے بشکار تعلقات نانہ بدھان، ملکاں غے درمیان رابطاں نانہ مضبوط کرن ور وی زور دتو۔ دوہاں لیڈراں نے گذشتہ مہینہ سنگا پور مانہ منعقد ہ دوجی بھارت سنگا پور وزارتی گول میز کانفرنس غا نتائج ور وی تبادلہ خیال کیو۔ اپنا تبصرہ مانہ وزیر اعظم نے کہیو جے سنگا پور نہ صرف اک شراکت دار ملک ہے بلکہ ہر ترقی پزیر ممالک واسطے اک تحریک ہے۔

Teacher's Day

اچ پورا ملک مانہ یوم اساتذہ منایو جا رہیو ہے۔ یوہ تہاڑو سابق صدر جمہو ریہ ڈاکٹر سرو پلی رادھا کرشنن غا جنم تہاڑا غا موقعہ ور منایو جا ہے۔ اس ضمن مانہ صدر جمہو ریہ محترمہ دروپدی مرمو اچ وگیان بھون نوی دہلی مانہ 82 اساتذہ نانہ قومی اعزاز توں نوازیں گی۔ اس سلسلہ مانہ صدر جمہو ریہ نے یوم اساتذہ غا تہاڑا ور ملک گا تمام اساتذہ نانہ مبارکباد دتی ہے۔ اُنکاں وزیر اعظم نریندر مودی نے وی یوم اساتذہ غا موقعہ ور مبارکباد دتی ہے۔ اک سماجی میڈیا پوسٹ مانہ جناب مودی نے اُن تمام اساتذہ غو شکریو ادا کیو جہیڑا نوجواناں نانہ بہترین مستقبل دین واسطے اپنی خدمات انجام دے رہیا ہیں۔ انہاں نے سابق صدر جمہو ریہ ڈاکٹر سرو پلی رادھا کرشنن نانہ اُن غا جنم تہاڑا ور خراج عقیدت وی پیش کیو۔

Giriraj Vision XT

کپڑاں بارے مرکزی وزیر گری راج سنگھ نے کہیو ہے جے ملک غی کپڑا وزارت دُنیا مانہ اک نمایاں صلاحیت رکھے۔ مرکزی وزیر نے اس گل غو ذکر اچ نوی دہلی مانہ ویژن پلس 1 پورٹل تے ملک غی پہلی فیشن ٹرینڈ کتاب پریدھی غو آغاز غے دوران کیو۔ مرکزی وزیر غو کہنو تھو کہ ویژن پلس 1 فیشن ڈیزائن غی پیشنگوئی واسطے اک معیا ر قائم کرے گو۔ انہاں نے مزید کہیو کہ حکومت کپڑا غا شعبہ غی ترقی بارے پُر عزم ہے۔

CS Flood Meet

چیف سیکریٹری اتل ڈلو نے جا تے تہاڑے سول سیکریٹریٹ سرینگر مانہ مرکزی زیر انتظام علاقہ جموں کشمیر مانہ سیلابی صورتحال تیں نمژن بارے جائزولین غا حوالہ سنگ اک اعلیٰ سطحی میٹنگ غی صدارت کی۔ چیف سیکریٹری نے صوبائی تے ضلع انتظامیہ غی طرفوں سیلاب سنگ نمژن غی تیاریاں غا حوالہ سنگ کیا گیا اقدام غی تعریف کی تے کہیو کہ ہم نانہ ہر حال مانہ مربوط انداز مانہ کم جاری رکھن غی ضرورت ہے،، میٹنگ غے دوران چیف سیکریٹری نے کسی وی صورتحال تیں نمژن با

رے مناسب حکمت عملی واضح کرن ور زور دتو۔ انہاں نے اس صورتحال تیں نمڑن واسطے رہنما سطور تیار کرن ور زور دتو۔ انہاں نے افسراں نانہہ ہدایت کی جے وے کسی وی صورتحال تیں نمڑن واسطے چوکس رہیں۔ اس سلسلہ مانہہ چیف سیکریٹری نے اسٹوراں مانہہ محکمہ کول دستیاب سیلاب تیں بچاؤ غی بکھ بکھ اشیا ء غی دستیابی با رے وی دریا فت کیو۔ اس طرح تمام ترقیاتی کمشنراں نانہہ اپنا ضلعان مانہہ سیلاب غی تیاریاں تیں آگاہ کیو۔ اس تیں علا وہ سماجی میڈیا، ریڈیو، ٹی وی وغیرہ ور اشتہارات وی دسیا جا رہیا ہیں۔

Scindia Post Office

مرکزی وزیر مواصلات جوینتر اڈتیا سندھیا نے اج اظہار کیو ہے جے دُنیا غی سب تیں تیز 5 جی خدمات بھارت مانہہ چلائی جا رہی ہیں۔ اور بھارت اپنی 4 جی خدمات تیار کر رہیو ہے تا جے اس شعبہ مانہہ کم کرن آلو دُنیا غو 6 ووں مُلک بن جائے گو۔ وے ان گلاں غو اظہار نوی دہلی مانہہ ڈاک محکمہ غا پروگرام مانہہ کر رہیا تھا۔ انہاں نے کہیو جے مُلک غا ڈاک کاٹھ نانہہ عام آدمی واسطے دُنیا تک رسائی غی اک کھڑکی بناؤ چاہیے۔ اور اس نانہہ تمام خدمات اک ہی جگہ ور میسر کرانی چاہیے۔ انہاں نے محکمہ غا ملازمین غی خدمات غی تعریف کی۔ انہاں نے مزید کہیو جے محکمہ داک غے بغیر مُلک غی تا ریخ دیکھنو بہت مشکل ہے۔

یہ خبر تم آکاشوائی جموں تیں سُن رہیا ہیں خبراں غا باقی حصہ نال غلام سرور۔

PM Swachh Bharat Abhiyaan

سرکار فلیگ شپ اسکیم سوچہ بھارت مشن غے ذریعے تے مُلک مانہہ نوزائد تے بچاں غی اموات نانہہ کہت کرن مانہہ مدد لہی ہے۔ اس سکیم نے بھارت مانہہ اک تبدیلی غو کردار ادا کیو ہے۔ متعلقہ اطلاعات غو انکشاف بھارت مانہہ سوچہ بھارت مشن غے تحت بیت الخلال غی تعمیر تے بچاں غی اموات غا عنوان مانہہ اک تحقیقی جریدہ مانہہ شائع ہون غی تحقیق مانہہ ہوؤ۔ اس تحقیق مانہہ 2014 تیں 2020 تک غا عرصہ غو احاطو کیو گیو۔ جس مانہہ حکومت نے 100 ملین تیں متا گھریلو بیت الخلاء تعمیر کیا ہیں تے 2 ہزار 3 مانہہ مُلک غا متا سارا ضلعان مانہہ بچاں غی موت غی شرح 1 ہزار بچاں مانہہ 60 تیں متی تھی۔ تے 2020 مانہہ یاہ شرح 30 تیں وی کہت ہو گئی ہے۔ اپنا سماجی میڈیا پلیٹ فارم ور اک پوسٹ سانجھی کرتاں واں وزیر اعظم نے کہیو جے مناسب بیت الخلاء تک رسائی نوزائد تے بچاں غی اموات نانہہ کہت کرن مانہہ اہم کردار ادا کر رہی ہے۔ انہاں نے مزید کہیو کہ ساف تے محفوظ صفائی صحت عامہ واسطے فائدے مند چاہت ہوئی ہے تے انہاں نانہہ خوشی ہے کہ بھارت نے اس سمت مانہہ برتری حاصل کی ہے۔

Notification JK

جموں کشمیر اسمبلی چناؤ غا تیجا مرحلہ واسطے نوٹیفکیشن جاری کر دتی گئی ہے۔ اس مرحلہ غے دوران 40 اسمبلی حلقاں مانہہ آئندہ 1 اکتوبر نانہہ چناؤ کرایو جائے گا۔ یہ درہ جے اس مرحلہ واسطے کاغذات نامزدگی داخل کران غی آخری تاریخ 12 ستمبر ہے اور کاغذات غی پڑتال اگلے ہی تہارے کی جائے گی تے ناں واپس لین غی آخری تاریخ 17 ستمبر ہے۔ یا درہ جے دوجا مرحلہ واسطے کاغذات نامزدگی داخل کرن غی آج آخری تاریخ تھی۔ اس مرحلہ مانہہ 26 اسمبلی حلقاں واسطے 25 ستمبر نانہہ چناؤ کرایو جائے گا۔

DEO Doda

ضلع ڈوڈہ گا گجوت مانہ شہریاں نانہ اپنا حق رائے دہی سمجھان بارے ضلع چناؤ افسراں نے اک پروگرام منعقد کیو۔ اس پروگرام غو بنیادی مقصد ووٹراں غنی چناؤ مانہ متی حصے داری تے بالخصوص کالسری نے نوشادی شدہ افرادتھو۔ اس موقعہ و ر ضلع چناؤ افسر ڈوڈہ بر ویندر سنگھ نے ووٹ غی اہمیت اُجاگر کرن مانہ طلباء تے کالسریاں گا کردار نانہ سراہیو۔ اس موقعہ و ر اُنہاں نے اس طرح کہیو۔۔۔ بانٹ۔۔

DEO Udhampur

چناؤ کمیشن نے جموں کشمیر اسمبلی انتخابات غا تیجا تے آخری مرحلہ واسطے نو ٹیفیکیشن جاری کر دتی ہے۔ ضلع اُدھم پور مانہ کُل 4 اسمبلی حلقہ ہیں 59 اُدھم پور رایسٹ، 60 اُدھم پور ویسٹ، 61 چینی تے 62 رام نگر۔ اس سلسلہ مانہ اج تیں کاغذات نامزدگی غو آغاز ہو گیو ہے۔ اس بارے ضلع چناؤ افسر سلونی رائے نے بولتاں واں اس طرح کہیو۔۔۔ بانٹ۔۔

DEO Poonch

وزیر اعظم نریندر مودی نے یوم اساتذہ غی مبارکباد پیش کی ہے۔ سماجی میڈیا پوسٹ غے ذریعے اُنہاں نے اظہار کیو جے اساتذہ بی نوجواناں غی ذہن سازی کریں۔ اُنہاں نے اس موقعہ و ر سابقہ بھارتی ڈاکٹر سرو وِپلی رادھا کرشنن نانہ اُن گا جنم تہاڑا و ر خراج عقیدت پیش کیو۔ اس موقعہ و ر اُنہاں نے اساتذہ نانہ خط لکھ غے کہیو جے ان گا کردار سنگ بی شہری ذمہ دار تے قابل شہری بنیں۔ اور مُک غا تعلیمی نظام مانہ اساتذہ تے طلباء توو انقلاب لیا رہیا ہیں۔ وزیر اعظم نے کہیو جے بھارت قدیم تے جدید تعلیم غا جوڑ سنگ عالمی جانکاری غو مرکز بن گیو ہے۔

Poonch Traechers SVEEP

یوم اساتذہ منان غا سلسلہ مانہ سویپ غے تحت منعقد کیا گیا پروگرام مانہ ضلع پونچھ غا 3 سو اساتذہ نے حصو لیو۔ اس سلسلہ مانہ وٹاں غی اہمیت اُجاگر کرن بارے ضلع ترقیاتی کمشنر پونچھ وکاس کُنڈل نے پرانی پونچھ تیں ریلی نانہ جھنڈی دس غے روانہ کیو۔ اس موقعہ و ر ڈی سی موصوف نے ذرائع ابلاغ سنگ گل کرتاں واں اساتذہ غی تعلیمی تے سماجی ذمہ داریاں نانہ اُجاگر کرتاں واں اس طرح کہیو۔۔۔ بانٹ۔۔

DEO Poonch

ضلع چناؤ افسر پونچھ وکاس کُنڈل نے اعلان کیو ہے جے ضلع غی چناؤ انتظامیہ اُنڈہ اسمبلی چناؤ کران واسطے بالکل تیار ہے۔ اُنہاں نے یقین دہانی کرائی ہے جے صاف وشفاف چناؤ کران واسطے تمام تر ضروری حفاظتی انتظامات مکمل کر لیا گیا ہیں۔ اس بارے آکاشواںی گا ضلع نمائندہ سنگ گل کرتاں واں اُنہاں نے اس طرح کہیو۔۔۔ بانٹ۔۔

اس غے نال ہی خبراں غو یوہ بلیٹن ختم ہوو۔